

并

滌

百

金

方

泚泚百金方卷八

號令第八

行軍號令

四方號令

守塚號令

遊兵號令

中軍號令

旗幟鎗火

對敵號令

泚辭百金方卷八

惠麓酒民 編次

繡佛居士 重訂

令者令民知所遵而易從也必上無疑令斯下無二事從
本之威賢于反汗多矣故信之一字與智仁勇嚴均為將
之首務也輯號令

行軍號令

斷斬

大將既受命專征伐之柄犒師于野畢而下令焉夫聞鼓不

進聞金不止旗舉不起旗低不伏此謂悖軍如是者斬之呼
名不應點之不到往復愆期動違師律此謂慢軍如是者斬
之多出怨言怨其不賞主將所用倔強難治此謂橫軍如是
者斬之揚聲嘆語若無其上禁約不止此謂輕軍如是者斬
之所學器械弓弩絕絃箭無羽鏃劍戟溢鏑旗纛凋敝此謂
欺軍如是者斬之妖言詭辭撰造鬼神詭憑夢寐以流邪說
恐惑士此謂妖軍如是者斬之奸舌利嘴聞是攢非構怨
吏士令其不悅此謂謗軍如是者斬之所到之地凌侮人民
淫亂婦女此謂奸軍如是者斬之竊人財貨以為己利奪人

首級以為己功此謂盜軍如是者斬之將軍聚謀偏帳屬垣竊聽其事此謂探軍如是者斬之或聞所謀及軍中號令揚聲于外使敵聞知此謂背軍如是者斬之使用之時結舌不應伍眉俛首似有難色此謂狼軍如是者斬之出越行伍爭前亂後行列喧嘩不馴號令此謂亂軍如是者斬之託傷詭病以避艱難甚或佯死因而逃遁此謂詐軍如是者斬之主掌財帛給賞之際阿私所親使吏士結怨此謂黨軍如是者斬之觀寇不審探寇不詳到而言不到不到而言到多而言少少而言多此謂誤軍如是者斬之營壁之間既非犒勞無

濟濟百金方

卷八

故飲酒此謂狂軍如是者斬之此令既立吏士有犯之者當
斬斷之者大將以問諸將曰罪當斬遂令吏士挾于外斬之
斬斷之後使傳令告吏士曰某人犯某罪與諸將議當斬已
處斷訖公等宜觀此以自戒是大將以禮行罰使卒無冤死
衆有畏心矣故令者將之大柄也可不重乎是以孔明涕泣
而斬馬謖穰苴立表而誅寵臣此皆先遵法令後收功名者
也

中軍號令

域中高處可以四面瞭視之地主守居之設立中軍黃旗一

面黃紙雙鐙一盞單鐙分青紅白黑紙各一盞如黑紙難明
則代以綠又備青紅白黑小旗各一面大流星炮百枝大銅
鑼一面巨鐘一口碗口砲六口手銃亦六口用止三口多三
口者備不响也
其隨銃應該木馬火藥火繩送子等件俱備足撥好軍一名
專管火種日夜瞭城外伏路號火銃炮吹鼓手八名凡遇上
城時有小令旗一面上書掌號二字吹手見此旗方掌號放
炮三聲即將黃旗豎起以便齊人上城遇下城時有小令旗
一面上書鳴鑼二字吹手見此旗方鳴鑼即將黃旗落下以
便諭衆下城遇夜以鐙代旗吹手若不見掌號之旗掌號之

鐙切不可掌聽不見鳴鑼之旗鳴鑼之鐙切不可鳴鑼每更
盡吹叭喇二聲催人換更如日間東方有警放砲三聲則加
青小旗餘方仿此擊鼓催兵落旗鼓止如夜間東方有警放
砲三聲則加青單鐙餘方仿此擊鼓催兵落鐙鼓止遊兵戰
隊各認方色策應而諸原派守城者不得擅離信地以防聲
東擊西也如二方三方四方交發亦各認本色策應失誤者
斬

四方號令

四面城樓各豎本方旗號以六丈布為率而遊兵將領縱城

長各認本方色旗如本方有警晝則搖動本方色旗夜則又
起本方色單燈擊鼓催兵無事則鳴鑼止之至于油燭火藥
選軍種火等項俱照中軍

旗幟燈火

中軍十二丈黃布大旗一面桅竿長五丈

晚用黃紙雙燈

四門六丈青紅白黑布大旗四面桅竿長二丈

晚用各方色單燈黑紙難

明以綠代之下仿此

四角六丈大旗四面東南方上半青下半紅西南方上半紅
下半白西北方上半白下半黑東北方上半黑下半青桅竿

長二丈

晚用各方色單燈如東南方上青下紅餘可類推

每百垛二丈各方色布旗一面竿一丈五尺

晚用小單燈

每二十五垛一丈各方色布旗一面竿一丈

晚用小單燈

每五垛五丈各方色小布旗一面竿七尺

晚用小單燈墜城下

中軍坐纛旗五采為邊照四門四角大小方色旗各一面以

便傳警

晚用各方色單燈

旌旗金鼓所以一人之耳目也爰製八卦之旗以太極為中

軍其詭設物象書符畫魃者弗取也夜則以燈代之

守垛號令

分班

守垛夫必計其多寡派作二班或三班每一垛用灰粉白內書垛夫姓名各認定防守分班更換以休養精力如頭班一晝一夜次日即換二班再次即換三班各寘簿定限彼此不得推諉

統領

五垛為一伍立一能幹者為伍長二十五垛有城長百垛有雉長伍長城長雉長各執旗伍長填五垛夫姓名在旗內城長書五伍長姓名在旗內雉長書四城長姓名在旗內以便

統領查核東面自南起伍長旗寫天地元黃字號城長旗寫
東城一東城二字號雉長旗寫東雉一東雉二字號餘可類
推各門各角又分管各雉長白日止豎旗號各長輪守之非
寇至不用軍民上城以息其力


按名責治

垛口上用石灰塗白排書各戶所出正身僱身俱要真正姓
名其鄉紳所出某人及有力大戶僱人數多俱上書本名下
書所僱姓名以便臨時查點既受若值應代若役如有違誤
替身按法問罪主人但以失于訛察輕重抵罪


天字號
塚長旗




方空內乃用石灰
粉白書塚號塚夫
姓名後各塚仿此
不盡留白空者恐
其混看誤爲塚眼
也



地字號
塚長旗




元字號
塚長旗



并游百金方

卷八

黃字殘
塚長旗



入

字號
長旗



浙辭百金方


卷八 號令

八

後仿此二十五塚立一城長四城長立一雉長


城長旗

書五塚長姓名



雉長旗

書四城長姓名



僱役僱值

守垛有僱募者俱要强壯守分良民不得以老弱奸棍充數
每日工食官定價米二升錢十文錢十文者薪資也殺賊有
功犒賞在外

有警輪守

五垛為一伍一當有警每夜一人輪守一更每垛各寘一石
堆大二三尺高稱之每更一夫執小旗登石擊柝站立既高
則可以俯瞰五垛城下有無奸細其餘四人穩臥倘遇有警
喚醒同伍四人則名雖一夜之守寔止一更之勞也轉更輪

換聽中軍喇叭各門應之每伍實一木牌注定某人某更不得推諉失誤伍長提督之該直者要注定眼力不得減滅燈火又戒出頭外望以防飛矢銃牌所傷輪睡者亦不得脫衣如聞中軍砲响懸起雙燈則同伍者一齊向外持械站立力拒候中軍燈落止號方許就睡

無警輪巡

無警夜巡以三十塚為一牌每夜止用一塚之人上城一名巡上半夜一名巡下半夜各帶器械鎗火靜行視聽不必擊柳有所見聞鳴鑼警衆止在三十塚界內往來巡視次早將

牌轉送下戶每月輪流一徧周而復始一年一家不過數夜就是小本生意白晝貿易夜間巡城亦不耽誤

傳食

城上鍋竈不便城下各照所分人口五垛屬一火頭一日三飯三更時麪食火頭各照所管之人以器盛飯城上人用索扳取每盃菜總一盃有送私食者不禁

濟渴

每五垛置大水缸一口一以濟渴一以備火

歇宿法

每塼口五箇立汁廠一間下用板鋪勿使泥濕傷人上用苫蓋四面皆遮蔽風雨遇有樓鋪者即聽以樓鋪充之不另立

便利法

五塼共大鐵鍋一口砌如竈式下可容火大小便利悉在其內賊來攻城勢必仰面煮令沸熟杓澆筒噴各聽人便

薰砲礮法

先以人清磚槽內盛煉擇靜晒乾打碎用篩羅篩細盛在瓦內每人清一秤用狼毒半觔艸烏頭半觔巴豆半觔皂角半觔硫霜半觔硫黃半觔斑毛四兩石灰一觔荏油半觔入鑊

內煎沸入薄瓦罐容一觔半者以艸塞口碗內敷以擊攻城人
可以透鐵甲中則成瘡潰爛放毒者仍以烏梅甘艸真口
中以辟其毒


居士曰但以諸毒同煎熬順風揚澆賊有觸者即痛爛
見骨亦甚便也此法見唐顯悅廣救命書

懸燈記

每五塚一燈用新油紙者方明亮燈上用一絢紙蓋以防雨
蓋上仍壓瓦一片以防風若篋若篷蓋尤佳每燈製一挑竿
索懸城下離地七尺火光下散我能見賊賊不見我換燭即


輪更之人不許誤事然懸索宜細止勝一燈度賊不能攀躋
每十垛用一大球所費比油燭減易鐙油垛長派備

懸燈式



火球式


積石



石有三種一曰擲石自一觔半至五六觔者每塚一堆高圓三尺又五六十觔者五塊惜碑不及今入城者人納一塊一曰大石每塚一塊或磨盤或門以槌衣石大約一人之力

石 懸


能舉者預布塚頭賦有推車頂門下梯肩版即將此石向頭
推打一石不中又借鄰塚一石擊之不中又借一石必退而
後已一曰懸石用上大石足鑿一孔下繫鐵繩上續麻繩用
法同之



插器

用有底通節粗竹二尺每丁埋一箇在垛口裡面各軍所執器械槍刀銃矢插筒內立之

插器






灰瓶

取細石灰入小瓶內每垛預積一堆將口塞住如賊臨城乃從上拋下擊打灰飛損目不能久立

灰

瓶



泥水

賊戴木排門扇木船竹圈之類遮護其身突來攻城此時矢石不能擊長槍不能入何以破之須用水和泥擲之泥在木上不墜泥多則重又擲巨石于泥上石亦不墜泥石相壓戴者不能勝自然退矣

壘臺

壕口太高難以外望各照信地泥壘小臺須要壕口齊胸以便下視若原有石砌臺基更妙

設柵門

上城處豎立柵門撥兵看守不許垛夫私下亦不許閑雜人
潛上一防攪亂軍伍一防奸細外招止送飯換班開放至晚
中軍放砲則封鎖不開如緊急則茶飯挈送城上止于換班
放出

斬逃亡

守垛夫下城逃走遊兵拏獲到官立斬

備取索

城上每段立一典掌寔小旗數面凡遇需用物件寫字帖旗
上舉示城下城下各段亦有主者預簡備用雜物各為部分

謹伺舉旗即應送上城勿令緩急缺乏又設雜役軍人量為多寡專司負挈所需物件又每雉須備桌一張筆硯一副小紙條寬一寸者一百以備緩急取物寫字傳知

巡邏兵

各垛兵勤惰不一須常稽察然使人人點名更更喧嚷則守垛者不能睡卧精神困疲非計也當以城門為限如東門至南門之類每門設巡邏兵十名真小紅旗一面中書巡邏字每更兵二名輪班絡繹巡視止挑燈執旗往來垛口不許叫喝打梆搖鈴若有垛夫熟睡不行瞭望并垛口燈火斷滅者

隨掣更旗次早總巡官處稟究仍行喚醒點燈不許擅自喝打賣法重治若掣一旗賞銀一方則垛夫自無力賄免而可以免賣放之弊矣

巡邏官

設役巡邏猶恐疎虞每門設巡警官二員各與馬匹寘更牌更箭如東巡至南門時值二更東門官將一更箭交付南門官收驗南門官隨付二更牌與東門官為驗輪番迭周次早送總巡官處查考若各官將牌箭私授不親巡警者查出以軍法重治其巡警官先察巡邏十人若見各垛口偶有睡熟

失瞭隱燈者掣其更旗巡旗次早并送總巡官處究治亦止
許巡視不得呼喝敲梆驚擾守寨之人

加犒勞

夜中或值風雨正好奸人乘機竊發之會宜倍加嚴謹預備策
笠臨時取用當風雨之夜無論家人僱人格外加勞

對敵號令

誅後至

遇有警報中軍晝則放砲扯旗夜則放砲比燈各軍民隨即
照派信地各執器械俱向外立定如有遲延不到者寨長指

名報官本犯即以軍法處治容隱者一併治罪

齊心

守城要心齊城上四方防守之人無分貴賤大小均以性命為急各為自己身家守非為他人效命也先要齊心一體勿懷慳心我飽而人飢勿懷懶心人勞而我逸勿爭利而趨勿思害而避勿因小嫌而彼此賭氣勿懷小忿而彼此相爭至于一壕有急一伍協力一賊上城五夫下手敢有觀望退縮躲避不前者一伍之人俱斬首示衆

劉錡

劉綺守順昌寘家寺中積薪于門戒守者曰脫有不利即焚
吾家毋辱敵手也于是軍士皆奮男子備守戰婦人礪刀劍
爭呼躍曰平日人欺我八字軍今日我當為國家破賊立功
遂大敗金人

李芾

李芾至潭州城中守卒不滿三千芾結峒蠻為援繕器械峙
芻糧柵江修壁及元兵至芾慷慨登陴與諸將分地而守民
老弱皆出結保伍助之不令而集芾日以忠義勉將士死傷
相藉人猶飲血乘城殊死戰有來招降者輒殺之以徇

壯膽

守城要膽壯死賊性命與我一般彼不皆勇我不皆怯彼以
捨命成功我以貪生取死爾彼在城下仰攻有十倍之難我
在城上下打有十倍之易人見一賊扒城便爾膽顫見一賊
上城便欲驚逃不思一人驚走千人皆散一散之間賊俱入
城父母妻子箇箇殺死若放開膽力站住不動與賊敵開賊
安得上城是站住者滿城得活走散者大家同死但有見賊
退走一步者登時斬首示衆

李顯忠

金帥字徽帥步騎十萬攻宿州李顯忠竭力捍禦城東北角敵兵二十餘人已上百餘步顯忠取軍所執斧砍之敵即退

定氣

守城要氣定凡百步以外則呐喊沖牆必不可動切忌妄發矢石火器既不中賊又損實用嘗曰守里不如守丈守丈不如守尺愈遠徒勞愈近得力若氣不先定便自慌忙亂放鎗砲矢口器械已盡氣力已乏心膽已亂待賊近城何以敵之此守城第一大戒也必待離城數十步方齊力攻打此勢險節短之意也記取記取

殺賊後各人急須嚴守自己垛口靜聽上人頒賞均分不許爭功爭賞致失守誤事違者以軍法重處

麴義領兵先登

袁紹自出拒公孫瓚瓚兵三萬其鋒甚銳紹令麴義領精兵八百先登瓚輕其兵少縱騎騰之義兵伏楯下不動未至數十步一時同發謹呼動地瓚軍大敗斬其將嚴綱獲甲首千餘級

張宏範逼宋于厓山

元張宏範帥舟師逼宋于厓山豫構戰艦于舟尾以幙障之

命將士負盾而伏令之曰聞金聲起戰先金而妄動者死飛矢集如蝟伏盾者不動舟將接鳴金撤幟弓弩火石交作頃刻並破七舟宋師大潰陸秀夫抱其主昌赴水死

酒民曰敵攻城每先遣游騎于百步外馳驟旋繞誘發火器只待數放之後或子藥匱乏或銃熟不堪再裝方合力齊攻坐此失事者不少慎之慎之

定讞

守城要領定各守信地賊徒攻城每每聲東擊西聲南擊北聲晝擊夜聲晴擊雨總是出其不意攻其不備八箇字爾兵

法擅離信地一步者斬豎一面十分緊急自有遊兵火速向
緊急之方齊力防護三面之人不許移動若過他人一垛斬
首示衆

專目

守城要目專目力不精則緩急失候守垛之人遠望近視頭
不敢回顧眼不敢轉睛放銃發箭則端相賊身下石投木則
端相賊腦下三眼刺槍則端相賊心使鉞斧大棒則端相賊
頸見手則斷其手見頭則斷其頭手眼萬分留心不可遲緩
一刻毫髮之間生死所係任他千轟萬亂呐喊搖旗只要眼

力觀看不可一毫動心凡壕長城長雉長巡視困倦者輪流歇息但有見班打盹怠惰者穿耳示衆

靜聲

守城要聲靜喧嘩亂此敗道也故城上招呼各以手勢說話各以低聲夜間尤要安靜無聲聽賊消息四城門俱有更鼓每交點放砲一聲人高聲大叫一聲云大家小心城上衆人齊喊一聲餘時俱不許動一些聲息使賊不得掩彼形聲探我消息也城上白日屏去鈴柝止豎旗號不許一人喧嚷即有攻打被傷之人亦不得大言震喊高叫驚走但有隔壕

閉語者割耳示衆

堅志

守城要志堅兵貴如山千搖不動百震不驚庶乎賊智自窮
我守可固昔曹成攻賀州日久不下忽有一人登城大呼曰
賊登城矣守城之人卻滾下城賊遂登城此曹成之計一人
訛言萬人驚走以後守城丁寧此令但有一人謠言惑亂人
心者守城之人寸步休移死莫動將謠言之人與先動之
人當時斬首懸高竿示衆

居士曰蘇老泉所謂泰山崩於前而顏色不變麋鹿興于

左而目不瞬此二語為將者不可不知也

燭奸

守城夢燭奸賊在城外屯聚以逸待我勞以飽待我飢以寧
耐挫我銳以優游懈我心聲言解圍以安我意聲言增兵以
寒我膽乍動乍靜以疲我精神緩進零冲以耗我氣力忽散
忽聚以老我智謀築壘增柵以示彼持久我意已定一切勿
動徹圍毋喜疾攻毋驚歸師毋躡示怯毋進約和毋信偽隙
毋乘忽退毋懈久持毋數古今名將用兵未有無節制號令
而能取勝者今將中軍以下號令合行刊刻守城之人各給

一本如某項人某數款要緊識字者自讀不識字者聽識字
之人教誦解說字字依行

遊兵號令

每門每臺各備起火流星事急則然之本面遊兵即行接應
不許稽遲

各舖備火種一盆不許種絕
各門備快馬數匹以傳警信

泮澗百金方卷八

濟濟百金方卷九

禁約第九

禁奸盜

禁樂戶

禁酒肆

禁浪遊

禁積薪

禁喧譁

禁私開禁門

禁歇家

禁茶坊

禁混堂

禁風火

禁訛謠

禁夜行

禁虛發矢石

濟碑百金方

卷九

禁妄動

禁吹响器舉竿表

禁擅離信地

禁擅入信地

禁近城房屋

禁近城土阜

禁私回賊話

禁私開賊書

泚辭百金方卷九

惠麓酒民 編次

幕天居士 重訂

禁者令民知所戒而不犯也禁而不能止則將未能令軍
必敗矣太公曰殺一人而三軍震者殺之是刑上究此將
威之所以行也若欲行罰必自貴者始輯禁約

禁奸盜

重法

壯丁上城家中無人看守小人乘機為奸為盜但有拿獲者

泚辭百金方

卷九 禁約

當時打死示衆其飲食不足之人開其手本稟官設法賑借存恤

羊侃

梁侯景初圍城軍人爭入武庫羊侃命斬數人方止此即劫盜之漸也

李綱

李綱當金人圍城死守時有自門上擲下人頭至六七者皆云斬獲奸細及驗認則皆漢人首級綱于是捕獲數人斬以徇軍又有京師不逞之徒來機殺傷內侍取其金帛而以所

藏器甲弓劍納官請功網命集守禦使司以次納訖凡二十餘人各言各姓皆斬之并斬殺傷部隊將者二十餘人及盜衲襖一領者強取婦人絹一疋者妄斫傷平民者皆即斬以徇故外有強敵月餘日而城中竊盜無有也

宗澤

宋宗澤知開封府時敵騎留屯河上金鼓之聲日夕相聞而京城樓櫓盡廢民兵雜居盜賊縱橫澤至首捕誅舍賊者數人下令曰為盜賊者無輕重並從軍法由是盜賊屏息民賴以安

馬知節

宋馬知節徙知定遠軍時部民入堡卒有盜婦人首飾者護軍止笞而遣之知節曰民避外虞而來反為內盜所掠此而可恕何以肅下即斬之又虜衆犯塞民相攜入城知節與之約有盜一錢者斬俄有竊童兒錢二百者即戮之自是無敢犯者

禁歇家

歇家不許居住城內恐有奸人窟宅

禁樂戶

凡不良之人挾重貲而至多以倡家為窟宅倡家惟利是視自不必詰所從來矧有倡即是盜者宜嚴行驅逐

禁茶坊

奸人設謀定計多在茶坊者慮酒後之言有漏泄也須嚴禁之違者即將房入官變價充餉兩隣連坐

禁酒肆

酒肆亦姦奸之所也賊信緊急不許開張或從民便止許零沽不得留人聚飲違者罰亦同前

禁混堂

不良之人每每寢宿混堂宜併禁

禁浪遊

奸人日間無計藏身每託閑遊掩人耳目過傲之日凡有浪遊名勝庵院者許人擒住究實重賞告者

酒民曰歇家樂戶茶坊酒肆混堂及名勝寺院果皆姦之所也若有明智之人正宜留之以為捕役耳目之徑一概拒絕尚屬下策但格外之事恐非所及故寧取其次者

禁風火

兵臨城下城內居民失火者斬

禁積薪

警報緊急城中居民近城者不宜堆積稻艸柴葦恐城外火
箭飛入起火故宜禁諭少則收藏多則移寘隙地為便

禁訛謠

警報狎至訛言易興有等造言生事之人或妄泄軍情或虛
張賊勢而輕聽好事者又從而播傳之最為搖亂人心即時
梟斬不宥凡有曉星氣術數之人悉收隸官府不得與他人
竊語及禁論說怪異以惑衆心

禁喧嘩

凡見賊大言喧詐者或被傷高叫驚走者照臨陣退縮軍法示衆臨敵回頭擅動者割耳夜警者治其所由本官連坐

禁夜行 法當禁

城內柵閉之設所以備盜也今夜行者徹夜不止則柵閉徹夜不闕矣虛設何益必委風力條佐率精兵持鎖鍊專緝犯夜之人重懲一二勢衆之悉子弟及悍僕孿奴則小民自不敢犯而盜賊無由乘機竊發矣

禁私開禁門 加外鎖一法別見方畧部

城門謂之禁門以見不宜擅啟閉也太平日久法紀縱弛守

門官偷安自便高臥在家守門軍得錢賣行啟閉任意從此
誤事為禍不輕如有犯者定以軍法從事

禁虛發矢石

勢險節短法

凡遇攻圍俟賊近城令慣熟弩手善射者乘便射打務要奇
中毋得亂發矢石火器既不中賊又損實用大率守具皆用
于十步之內著著見功方為的當大略守里不如守犬守犬
不如守尺愈遠徒勞愈近得力遠攻不中既費力又損器何
為哉

禁妄動 恐為賊所乘也

賊內應多在夜間或于倉庫放火或于空廟及高阜處放火或放砲為號即有十餘人雜入我軍偷至城上砍傷守垛軍士吶喊稱言城破矣賊至矣我軍聞之驚潰賊因乘之大開城門延衆賊而入此千古履轍也但戒嚴軍士守城者守城妄動即斬守門者守門妄動即斬又急傳守門之人但防內賊勿防外賊凡城內居民各執器械各立門前至天明賊計不行自授首矣

張遠火起勿動

魏張遼屯長社軍中有謀反者夜驚亂火起一軍盡擾遼謂左右曰勿動是不一營盡反必有造變者欲以動亂人爾乃令軍中曰不反者安坐遼將親兵數十人中陣而立有頃皆定即得首謀者斬之

段秀實不許救火

唐段秀實為涇州刺史別將王童之謀作亂約夜焚蒿積救火則發秀實申嚴警備夜果火即下令軍中行者皆止坐者勿起各整部伍嚴守要害童之白請救火不許及旦捕童之及其黨八人皆斬以徇

禁吹响器舉竿表 恐為賊之應也

兵臨城下之時城中居民不許妄豎高竿亂吹响器并樂器
小炮概不許作

禁擅離信地

公派既定各有職掌矣守門者守門守臺者守臺守垛者守
操守方者守方守庫者守庫守獄者守獄中軍居中軍營遊
兵居遊兵營奇兵居奇兵營戰兵居戰兵營務令如山如林
整齊嚴肅以脩調遣敢有擅離信地一步者斬首示衆

禁擅入信地

凡面生可疑之人假託閑遊貫串信比者必奸人欲潛行窺伺者也即時拿送究治凡營兵欲買食物每隊自有火兵一名給牌入市餘皆并禁萬不宜令手藝之人借名交易私入營盤如修脚篦頭補皮匠賣點心之類

需類者

邛州牙將阡能致高仁厚帥兵討之未發前一日有需類者到營中邀者疑執而訊之果阡能之謀

禁近城房屋

城外三丈內若有房屋賊或潛伏屋下擊射守城軍民或即

用具梁柱作梯上城或順風放火或就本屋運土臨城起圍而登皆無可奈何有近城一大以內者城身又位于屋此不守之城也合行嚴禁一毫不留違者以通賊論

禁近城土阜

池外高阜之上不宜存留一則恐賊借以填濠二則恐其礙我砲路

禁私回賊話

凡賊有誦話者不許私回巡邏報與中軍酌量回答一面傳令別面院防暗算

禁私開賊書

城外有使至守門者簡實徑導詣主守內外軍民不得輒相見如得飛書持送本營對衆封送主守如城上城下有面生可疑交相接語或擲物件傲于勢號色即時拘拿解主守究問

游辭百金方卷九終

游辭百金方

卷九 禁約

濟濟百金方卷十

設防第十

防門

防牆

防塚

防奸細

防窮民

防內應

防詐門

防詭冒

防暴來

防潛襲

防難叛

防風雨晦冥

防佳時令節

防敵退而竄進

防敵去而復來

防賊求和挾詐

防火變

防州場

防庫

防敵攻東擊西

防隙地

防火藥

防獄

防入乘

泚泚百金方卷十

惠麓酒民 編次

園峰居士 重訂

千大之隄潰于蟻穴合抱之棟摧于蛀壤一瑕百瑕理勢
然也防之為道難言哉必也善守如環使敵無閒可入斯
為貴矣輯設防

防門

火月城

賊若破月城未破內城城上人須用火炬擲月城內以月城

泚泚百金方

卷十 設防

為火池多多添擲竹木賊不勝烟火自然退出


楊智積益薪助火

楊智積隋文帝姪也楊元感反攻城燒城門智積于內益薪以助火勢賊不能入

槎牌

槎牌蓋其城門高下濶窄堅木造之厚四五寸外用鉄葉排釘錠裝頂上照門空一尺濶長槩將槎牌預為懸穿城上兩邊栽壯木二根橫架固木一根中安二滑車槎牌用粗繩繫住若遇焚門土壘不及將槎放下隔阻

樣牌式




金錐板

月城內大城外築成陷馬坑濶狹與城門相等不可太過恐
牆脚虛頽也長可一二丈深一丈有餘底濶而上狹蓋上隋
于下賊一墮勢不能攀躋求脫矣其內實金錐板城上門口
仍列壯士用強弓勁弩火器礮石利刃長矛為鉤搭斬截之
具無事用堅木搭上為跳板使我兵易于出入有急掣去跳
板用薄蘆席虛蓋浮土賊入輒陷

金 推 板 式

舊製臨坑內用
 虎角木鉄菱角
 菱蓉不如用金
 錐板妙錐用鋼
 鉄為鋒極尖銳
 長二尺許堅木
 為板長五尺闊
 二尺客釘金雄
 平鋪坑內推鋒
 照虎藥少許見
 五封喉立死賊
 馬一入所值歸
 立穿



鉄挿板

挿板用榆槐堅木為骨其潤兩邊各掩過城門一尺慢以生牛皮周圍用鉄葉裹釘完密下用狼牙釘極其鋒利兩旁施鉄環貫鉄索各立二柱柱間池槽亦用鉄葉裹之柱下各立撐柱以防傾圮柱上設一轆轤為絞索之用兩柱間設一大橫木中空一竅挿板中亦空一竅絞至兩竅相對處即以一巨鉄釘拴入其中如欲開阻賊兵入城但拔去銷釘其挿立下勢重千鈞當之者立為齏粉


挿板勢重必以絞車升之

鐵柱

靖難兵圍濟南甚急鐵柱令軍民詐降陰伏勇士開城門候燕王入急下鉄板焚中之

酒民曰月城設陷坑坑內寘金椎板賊即破門敢進一步便陷死地矣較火月城策似稍勝之又必寘鉄插板何也恐陷者層積賊踐而登故約過一二百人即便下此使前敗後絕任意殲之爾

鐵梯板式




刀車

以西輪車自後出鎗刀密布之敵攻壞城門則以車塞之此車宜設二乘一向外防賊徒外攻一向內防奸細內應

酒民曰今人一聞倣報將門用石疊砌用土填塞甚為可笑萬一賊隙可乘反阻戰兵出入之路刀車鑿扇皆妙法也

刀車式



鑿扇

侯景以長柯斧砍東掖門門將開羊侃鑿扇為孔以梁刺殺
二人砍者乃退今用神器從孔對擊威力百倍鑿扇甚妙


七星池

凡賊攻城多用火燒門須用淋水滅之預于城上紫貼門扇
虛開鑿一池橫長與門等濶二尺池口至底以漸而殺如屋
簷天溝樣底約濶五寸鑿為七眼徑六七寸每眼相去以門
之廣狹為度務令均勻其相連處橫鑿寸濶一縫借之泄水
眼大可下砲石縫挾水不旁注如開河傾瀉火無所施且人

亦難于站立此萬萬不可少者池上無事以厚板蓋之

按侯景列兵繞臺城既而百道俱攻鳴鼓吹簫喧聲震地縱火燒大司馬東西華諸門羊侃使鑿門上為竅下水沃火戰士踰城門洒水久之方滅此即前七星池之意也但旋鑿之不如預備之矣


大 星 池



溜筒

賊有以火燒城者宜用鉄溜筒貯水傾滅之或曰宜下濕沙
滅之若用水則油燭愈熾多致失事

上用竹筒下
用鉄管城上
注水于木斗
內傾瀉



火車

以兩輪車中為爐上施篋滿盛以油熾炭火爨令沸仍四面積薪堆至城門樓下縱火而去敵必下水沃之油得水其焰益高則樓可焚也


浙辭百金方

卷十 設防

八

車


火



水囊

以猪牛胞盛水敲若積薪城下順風發火則以囊擲火中古
軍法作水囊亦便


水囊式



水袋

永 榮 式


以牛馬雞畜皮淨脫為袋貯水三四石以大竹一支去節縛
于袋口若火焚樓柵則以壯士三五人持袋口向火處水注
之每門置兩具



麻搭

以八尺杆繫散麻二斤醃泥漿水燄火

麻搭式



唧筒

用長竹下開竅以絮束木杆自竅唧水


唧筒式



鉄鉤

東魏高歡攻玉壁縛松千竿灌油加火規以焚樓韋孝寬作鉄鉤利其鋒刃火竿末以鉤遙割之松麻俱落

鉄鉤式



姚仲酒缶

金人攻仙人關用火焚樓姚仲以酒缶撲滅之

孟宗敗隄火

金帥完顏訛可擁步騎薄棗陽城宋孟宗敗棗糠敗沙以覆樓棚列甕澆水以隄火

酒民曰又一法用晉石化水塗門樓常令滋潤火不能害水井

城中宜多濬井泉須于寺廟空閑之地添井三五十眼一以備人衆可飲一以備火攻猝救

水缸

凡棚樓敵臺之下皆當各貯大小缸數口而五探亦共貯一缸如為飛火所然隨然隨撲底不至取救遠水成燎原之勢

防牆

突門虛敵臺

攻城之具用槐榆木厚八寸餘高八尺如轆形下有四小輪以人御之其板俱用活銷是以鈐彈遇之車往來番去鈐彈子折而過車隨復起不能傷人推至城下以弓矢仰射而以尖鉄衝挖城長五六尺餘柄以粗木為之每去一軌則以衝

新辭百金方

卷十

技防

十三

入五六人共坐其柄而撼則城不能支矣若有突門虛臺從旁夾擊安能害我其制已詳首卷茲不復贅

備修築

城中每面備磚一二萬黃土數十車石灰千斤水一百甕每十梁用鉄掀二張鋼刀二口門六扇犬五長杆四杆以備攻破城垣當時修補

木柵

東魏高歡攻玉壁四面穿地作二十道其中各施梁柱以油灌柱放火燒之柱折城並崩陷孝寬隨其崩處豎木柵以杆

之敵終不得入

偃月城

金完顏訖可攻宋陽募鑿銀鎖石工晝夜陷城城頽孟宗政
蓋薪架火山以絕其路列勇士以長槍勁弩備其冲距城頽
所數丈築偃月城翼傳正城深坑倍刃躬督役五日成

防堞

懸簾

堞口第一切要之物每堞口作木架一箇兩足在內栽城上
緊貼兩堞邊上安橫木向外可搭毡毯或用被褥俱以水濕


直遮垛口箭不能入但防賊鈎竿須用兩帶繫垛內外用兩活柱撐如欲下視將兩柱斜撐兩垛邊傍遠視高撐近視低撐

懸戶

懸戶則以轉軸作為小門一扇厚一寸外畫虎頭兩眼穿透如鵝卵大可以遠窺亦以活柱撐之懸戶懸簾撐不可太高須防流矢

懸簾式

懸戶式



游辭百金方

卷十 設防

絮被

懸簾費重不如以民間絮被代之隨被大小長短造成木框被上密綴小帶為耳以兩竿擗出城外五六尺用水浸透被既虛懸後藉水濕矢不能貫火不能然守陴百姓有時無恐又保護女牆一被遮二垛以代懸簾法簡功等

傍牌

又防鉛銃須要旁牌遮蔽一垛一牌更妙力不能及數垛一牌亦可人家鍋蓋垛矢射之亦能却矢况牌乎


木女牆

以版為之高六尺濶五尺下施兩輪軸施拐木二條凡敵人攻城推壞女牆則以此代之

劉琦

宋劉琦守順昌時守備一無可恃琦于城上躬自督勵取偽齊所造痴車以輪棘埋城上又撒民戶扉周市蔽之即代以木女牆之意也

木女牆式



連鎖大環

尹子奇圍睢陽以鉤車鉤城上相聞鉤之所及莫不崩陷張
巡以大木實連鎖大環拔其鉤而截之


酒民曰其法未詳載此以待巧思者意會 梁身甚薄賊
每攻城先用大鉤鉤倒使守城軍民無所隱蔽最為誤事
連鎖大環之制宜考也

奈何木


賊若攻城不思日攻而思夜襲且或守城兵夫偶而困倦不
支則莫奈何木以防一時之懈先諭各兵每夜一鼓之後各

城樓喇叭一通即將奈何木通城垣真梁牆上木上倒綴虎
怕荊每荊一束用小指大草繩三尺長以一頭繫荊束一頭
縛十餘斤重石塊將石連繩纏于木荊垂牆頭之外邊賊來
襲攻既不能攀援而上又不能飛越而入一經移動磚石下
墜荊木隨落賊自取傷而守梁兵夫且又警覺即拋打磚石
傷賊必多因其無可奈何故謂之曰奈何木也 其木宜取
足近城木樹

木 何 奈




奈 何 木 繫 石 菊



浮籬

奈何亦下堞口之外益以浮籬每扇約濶三四尺長六七尺不拘環城接連駕設之法或用小木或竹二根比籬濶三四尺以一牛伸出堞外一牛放入堞內其外閣浮籬籬上壓以碑石天晴加實石灰數色于上其內用繩縛墜石虛懸用木釘釘于地下鬆緩其繩若賊加梯籬上籬軟不能勝梯磚石下擊兩竿翻入牆內守堞者且自驚覺即僂睡亦醒若賊寘梯籬下而攀附上登則頭觸浮籬亂石又墜矣

兩竿架浮羅式



垂鐘版

長六尺濶一尺厚三寸用生牛皮裹開箭牕施于戰柵前後
有伏兒拐子木

篋籬笆

荆柞編成長五尺濶四尺綴生牛皮背施橫竿長七尺戰柵
上木馬倚之女牆外狗脚木挂之

皮竹笆

生牛皮條編江竹為之高八尺濶六尺施于白露屋兩邊以
木馬倚之開箭牕可以射外

木馬子

一橫木下窠三足高三尺長六尺


狗脚木

植二柱女牆內相去五尺准牆為高下柱上施橫鉤挂

洞子


用木製長一丈濶三尺外直裏邪外密裏稀密處以大麻繩
編如竹笆樣成棧閣即遮蔽之

垂 種 版




籬


篋



皮竹芭 狗脚木



水馬子




子
外直
裏邪
洞

子

洞

外直

裏邪



防奸細

嚴搜逐

從來賊欲攻城必有內賊為應或一年半年粧為客人僧道
莫卦傭工皮匠裁縫賣菜販果修脚篋頭在本城踞探道路
采訪虛實窺伺貧富交結守門牢伴為心腹買囑在官人役
為耳目甚者包攬皂快營幹守門一動一靜無不皆知一計
一策無不傳報及圍城時或舉火內應或預配城鎗開門或
揚言賊已入城惑亂衆心有司須預先謹防臨時搜逐但有
房主敬家不行覺察一概混留者查定奸細與房主敬家一

同帛示賊無內應雖開門不敢徑入此守城第一要務

清保甲

凡欲防奸須嚴保甲預就每方之中編定五家一牌令其相為覺察不許容留面生可疑之人容隱不舉事發連坐即原係居民若兵臨城下如有踪迹詭秘舉動可疑者亦許諸色人等稽查報官若捉獲真正奸細一名登時賞銀十兩以示獎勸 每家給一腰牌開寫年貌籍貫凡有牌出入城門方准放行

查流寓

流寓之家有五年三年以上者與比屋一體編戶若僦居一
二年者除可疑人定行驅逐外餘查其眷屬多寡親戚保結
何人生理何事如無眷屬及有眷屬而無親戚保結生理者
一概驅逐出境

查僱工

染坊麵坊糟坊磨坊然作毡作銅作錫作鐵作木作等店類
多各處僱工人必取隣里保結果係久僱方准容留如係新
來及無保結者竟行驅逐如店主容留鳴官懲坐

查遠歸

奸細不盡屬遠人土著者亦往往有之即貴家大族寧保無不肯子弟及亡奴悍僕竄入城中者里人恐其挾怨中傷即明屬可疑莫敢輕舉然與其細陳而債事曷若過防為萬全凡在外遊食經商一旦來歸者不論賢愚貴賤該地方一一報官另作一冊責其族主隣佑具不致疎虞甘結原便時為覺察仍明示過防之意不必避嫌待至事平銷毀原冊此在良民原不患其稽核而懷奸輩始不得逞矣

查寺廟

奸人潛跡多住寺院之中尤宜防者無名庵觀見一客至便

視為奇貨安問從來宜責成僧綱司及本寺住持先將各寺
水西南北造冊四扇某庵有牒僧衆無牒行者衆衆名山
偶到客僧發衆此外流僧一概驅逐其行脚往來惟准禪堂
施飯即遣他往不准留宿別有沿街結黨坐募齋供說帳談
因者俗名悞僧與盜無異嚴示地方驅逐之至于過客一概
不許寄寓如客留異言異服之人查出即以客留奸細論僧
綱司與住持一體治罪具道紀司亦單造一冊法如前行之

查客店

凡城外閑廂與在城不同一店中有客數人先令房主具結

保開店之人次令店主具結保客人尤須暗行物色以防不虞

立內柵

城中最慮潛伏須于各街巷口設真柵關每夜懸燈撥夫執器械嚴守晨昏啓閉卽官府夜行亦須審察以防奸細

加外鎖

堯城內一層門向外者晚用外鎖檢謹慎有身家者十餘壯丁守之以防城內奸細啟門而出

防窮民

總論

賊之所至甘心從逆者皆窮民也賊一入城引賊焚搶富室者皆窮民也賊尚未來頗首視天而日望其來者又皆窮民也先事而誅之則冤甚且不可勝誅臨事而防之則無及亦不可勝防然則奈何要知窮民之情所以不顧而走險者非有大志圖富貴也不過因其生計盡絕且圖救一刻之飢寒除一刻之死亡爾所謂做一飽鬼死不瞑目之說也但令安撫得宜衣食不乏則皆戒荷戈登陴相與戮力扞賊之赤子也反側之罪豈獨在民乎故許洞云被圍者當先安其內而

後及其外即此意也古人如漢虞詡唐王式輩皆能識此機者今載于左

虞詡三科募士

東漢朝歌賊數千人攻殺長吏屯聚連年州郡不能禁乃以虞詡為朝歌長及到官設三科以募壯士掾吏以下各舉所知攻劫者為上傷人偷盜者次之不事家業者為下收得百餘人賞其罪使入賊中誘令劫掠乃伏兵以待之殺數百人酒民曰攻劫者大盜也偷盜者竊盜也傷人者即今所謂大罡打行也不事家業者即今所謂游手游食無藉光棍

也之數等者法所必誅謂能急取用意深矣

王式開倉賑貧

唐袁甫亂浙東詔王式討之式入越州命諸縣開倉廩以賑貧之或曰軍食方急不可散也式曰非汝所知也及平賊械甫送京師斬之寘酒大會諸將請曰某等生長軍中久更行陳今幸得從公破賊然有所不喻者敢問公之始至軍食方急而遽散之何也式曰此易知耳賊聚穀以誘飢人吾給之食則民不為盜矣且諸縣無守兵則賊至則倉穀寔足資之爾皆拜曰非所及也

防內應

敵人奸細為內應

春秋衛人將伐邢禮至曰不得其守國不可得也我請昆弟
往仕焉乃往得仕及衛人伐邢二人從國子廵城掖以赴外
殺之遂滅邢

唐維州據高山絕頂三面臨江在我虜平明之中是漢地入
兵之路初河隴盡沒惟此獨存吐蕃潛以婦人嫁此州門者
二十年後兩男長成竊開壘門引兵夜入遂為所陷號曰無
憂城

唐李希烈反朝廷以汝州與賊接境刺史韋光奮懦弱以李元平代之既至募工徒葺理郭郭希烈乃使勇士應募執役版築凡數百人元平不之覺希烈遣將以數百騎突至其城先應募執役者應于內縛元平馳去

本城反側為內應

春秋齊伐莒莒子奔紀鄆人從而伐之初莒有婦人莒子殺其夫已為嫠婦及老託于紀鄆紡焉以度而去之及師至則投諸外或獻諸子占子占使師夜繼而登登者六十人繼絕師鼓譟城上人亦譟莒共公憇啓西門而出齊師入紀

唐吳少誠遣兵掠臨穎兵馬使安國寧與弟度使上官浣不
叶謀翻城應少誠營田副使劉昌裔以計斬之召其麾下人
給二緡伏兵要巷見持緡者悉斬之無得脫者

唐蠻軍抵成都城下成都十將李自孝陰與蠻通欲焚城東
倉為內應城中執而殺之後數日蠻果攻城久之城中無應
而止

酒民曰惜乎城中人技止此耳若能因機設伏誘令入城
從而殲旃不更快乎

防詐門

幽州挾詐

唐幽州叛弓高守備甚嚴有中使夜至守將不內旦乃得入
中使大詬怒賊賊知之他日偽遣人為中使投夜至城下守
將遽納之賊衆隨入遂陷弓高

也先挾詐

英宗北狩當是時大同堡鴟蕭條城門盡閉人心危疑是年
八月虜奉上皇至城下索金幣約賂至歸駕郭全閉門不內
遣人奏曰臣奉朝廷命守城不敢擅啓閉竟不出劉安孫祥
霍瑄出見獻上皇金帛及約賄往虜笑不應竟擁駕去

防詭冒

詭冒敗卒

唐蠻寇雋州竇滂遣充海將帥五百人拒之舉軍覆沒蠻
衣充海之衣詐為敗卒至江岸呼船已濟衆乃覺之遂陷賊
為

詭冒援兵

後五代漢趙暉圓王景崇于鳳翔數挑戰不出暉潛遣千餘
人環甲執矢效蜀旗幟循南山而下令諸軍殺言蜀兵至矣
景崇果遣兵數千出迎之暉設伏掩擊盡殪之

跪冒婦人

春秋晉將嫁女於吳齊侯使析歸父媵之以藩載欒盈及其
上紉諸曲沃車有障者曰藩欒盈即曲沃之甲以畫入絳
李密欲據桃林縣縣官不從乃托言奉旨入洛陽暫送家眷
入縣衙一寄却以強兵戴婦女幕羅乘車而入遂奪桃林
防暴衆

八日兵至新城

孟達據新城司馬懿討之達與孔明書曰吾舉事方八日而
兵至城下何其神也城陷達伏誅

竇泰奄至秀容

魏爾朱兆在秀容高歡遣竇泰以精騎馳之一日一夜行三百里泰奄至兆庭軍人驚走兆自縊死

李顯忠

有酋豪號青面夜叉者久為夏國患乃令李顯忠圖之請騎三千晝夜疾馳奄至其帳擒之以歸

王德

宋王德從十六騎往入隆德府治執偽守姚太師左右驚擾德手殺數十百人衆愕眙莫敢前械姚獻于朝欽宗問狀姚

曰臣就縛時止見一夜又爾

防潛襲

韓軌宵濟入華州

西魏王羅為華州刺史嘗修城未畢梯在城外時高歡遣將韓軌從河東宵濟羅不知覺比曉軌衆已乘梯入城羅面臥未起聞閤外洶洶有聲便袒身露髻徒跣持一白挺大呼而出敵見之驚退逐至東門左右稍集合戰破之軌衆遂遁

李師道潛內兵以圍東都

唐李師道置留後院于東都潛納兵數百人謀焚宮闕縱兵

殺掠其小卒請留守呂元膺告變元膺發兵圍之賊衆突出

望山而遁

東都西南皆高山深林

都城震駭

防離叛

韜英子曰守者降敵敵若撫而用之則未降者皆二心矣必施反間之計使吾間傳于敵間則敵必殺降者殺一降者則衆心固而不敢降矣

田單計剽齊卒

齊田單守即墨宣言曰吾惟恐燕軍剽所得齊卒寘之前行與我戰即墨殘矣燕人聞之如其言城中人見齊諸降者盡

劉皆怒堅守惟恐見得

劉鄩計殺彥溫

梁葛從周急攻兗州人心頗散副使王彥溫踰城而奔守解
者多逆劉鄩乃遣人陽語彥溫曰副使勿多將人出非吾素
遣者皆勿以行又下令城中曰吾遣從副使者得出不者皆
於城中皆殺奔者乃止已而梁兵聞之果疑彥溫非寔降者
斬之城下由是城守益堅

防風雨晦冥

李愬乘雪擒元濟

唐李愬謀襲蔡州夜起師會大雨雪天晦凜風偃旗馬皆縮
慄士抱戈凍死者衆始發史詣所向愬曰入蔡州取吳元濟
士盡失色夜半至懸瓠城雪甚蔡人不為備四鼓愬至城下
無一人知者李佑等砍墻先登衆從之殺門者開閤留持柝
侍夜自如黎明雪止愬入駐元濟外宅元濟始驚率左右登
牙城田進誠進兵薄之火南門元濟請罪梯而下檻送京師

李全乘冰襲泗州

宋李全謀襲金泗州時大雨雪淮冰合全曰每恨泗州阻水
今如平地矣以長槍三千人從夜半渡淮潛白泗之東城將

踏壕冰傳城下掩金人不備俄城上執炬數百齊舉遙謂全
曰賊李三汝欲偷城耶天黑故以火燭之全知有備乃引兵
遂

酒民曰無備而有患者加此有備而無患者如此為將者
不可不知也

防佳時令節

高歡元旦破秀容

魏爾朱兆既至秀容分守險隘出入寇抄高歡揚聲討之即
出復止者數四兆意怠歡揣其歲首當宴會遣竇泰以精騎

馳之一日一夜行三百里歡以大軍繼之泰奄至兆庭軍人因晏休情忽見泰軍驚走衆並降散兆自縊死

狄青上元奪崑崙

宋廣源川蠻懷習高反還守邕州狄青思崑崙閉險阨為所據乃按兵不動下令賓州具五日糧休士卒值上元節令大張燈燭首夜宴將佐次夜宴從軍官三夜享軍校首夜樂飲徹曉次夜二鼓時青忽稱病暫起如廁久之使人諭孫沔令暫主席行酒少服藥乃出數使勸勞坐客至曉客未敢退忽有馳報者云夜時三鼓元帥已奪崑崙矣是夜大風雨青率

兵度崑崙關既度喜曰賊不知此無能為也

成祖中秋破雄縣

靖難兵起楊松帥驍勇者九千人進據雄縣燕王渡白溝河
謂諸將曰今夕中秋彼必不備飲酒為樂此可破也亟行夜
半至雄縣黎明破其城而入松與麾下九千人皆戰死
防敵退而實迹

滿寵料孫權

吳孫權揚毅欲向合肥魏滿寵表召亮豫諸軍皆集權尋退
詔罷兵寵以為今賊大舉而還非本意此必欲偽退以罷吾

兵而倒還乘虛掩不備也表不罷兵後十餘日權果再到合
肥城下不免而還

徐溫破虔州

吳遣劉信將兵攻虔州譚全播拒守其城險固久之不下乃
遣徐溫復以兵三千授信子英彥使朱景瑜與之俱曰全播
守卒皆農夫妻子在外重圍既解相賀而去全播所守者空
城爾大兵再往必然克之信引兵還擊虔州全播奔雩都追
執之

防敵去而復來

呂好問請備金

宋金師北去京師解嚴御史中丞呂好問進言曰金人得志
蓋輕中國秋冬必傾國復來禦敵之計當速講求不聽

种師道請備金

金師北去种師道請合關河平屯滄衛孟滑備金兵再至朝
廷以大敵甫退不宜勞師示弱二帝果有北轅之禍

防敵攻東擊西

周亞夫備西北

漢周亞夫拒吳兵奔壁東南陬亞夫使備西北已而精兵果

奔西北不得入

郭淮備陽遂

魏郭淮屯北原以拒亮後數日亮盛兵西行淮以為此見形于西欲使官兵重應之必攻陽遂爾其夜果攻陽遂有備不得上

李光弼嚴警邏

唐史思明圍太原月餘不下乃選驍銳為遊兵戒之曰我攻其北則汝潛趨其南有隙則乘之李光弼平令嚴整雖寇所不至警邏不少解賊不得入

韓遊瓌備東北

朱泚圍奉天盛兵鼓譟攻南城韓遊瓌曰此欲分吾力也乃引兵嚴備東北

畢再遇

畢再遇進兵薄泗州泗有東西城再遇令陳文旗并楫于石匿下如欲攻西城者乃自以麾下兵從陡山徑趨東城南角先登殺敵數百金人大潰守城者開門遁

防賊求和挾詐

侯景偽和

封時百餘所

卷十

設防

臺城被圍既久，侯景衆亦飢，抄掠無所，獲東城有米，可支一
年。援軍斷其路，景甚患之。王偉諸僞求和，以緩其勢。運米入
石頭，然後休士息馬，繕修器械，伺其解怠，擊之。景拜表求和，
梁主許之，勅止援兵。景既運東府米入石頭，復進攻城，晝夜
不息。臺城遂陷。

防隙地

兖州水竇

唐昭宗幸鳳翔，朱溫率師迎于下。王師範欲乘虛據兖州，
劉鄩先遣人詐為鬻油者入城，伺其虛實。及兵所從入，視羅

城下一水竇可引衆而入遂誌之郭乃告師範請步兵五百自水竇啣枚而入一夕而定

下邳深塹

岳飛以兵十萬圍邳州甚急城中兵纔千餘守將慙遣人求救昂曰為我語守將我嘗至下邳城中西南隅有塹深丈餘可迷寔之守將如其教填之飛果自此穴地以入知有備遂止昂舉兵以為聲援飛乃退

防火變

火備

賊人內應多以舉火為號城中人防變又必多積柴薪一旦火起居民倉皇狼突奸徒因得乘機竊發全預立救火夫四千名各家貯一水缸各坊備長火鉤十把舊絮被或絮袋十條大小木桶五付轆轤十付澆桶十付長梯五付長槍五把以防一時火變則持鉤者十人將起火屋并下風屋鉤倒以水濕絮袋撲之司汲十人汲水入桶担水五人登梯十人運澆持長槍五人巡守要路以防乘機搶擄者城中居民止許本坊赴救他坊百姓不許奔看混救即係守城垛夫巡官守領之家亦不許下城救應奸人見我鎮靜如此無能為變矣

若本坊保甲救護不力致有延燒及不係本坊居民乘機搶火者查出以軍法重治

又

凡委積及樓柵門扇門棧但火攻可及之處悉皆擅覆泥塗准備水具

防火藥

磚庫

李之藻奏略云守城最吃緊者提練精細之火藥舊貯于
盤甲燬一處指京師言不惟地遠難于取用抑且聚積或有可虞

解詳百金方

卷中 設防

不如每門各造磚庫一所中設地窰外築牆垣每庫細藥粗藥各萬斤方保無虞

藥用壘盛上加泥護禁斷燈火預備水具各派專役嚴司典守稍有不謹定從軍法 凡一應面生可疑之人但至火庫即係奸細登時拿送究治

防草場

城堡中堆垛草場必須撥人防護萬分謹慎賊至之日有面生可疑之人但至草場即係奸細拿送究治

防獄

獄囚自分必死每幸賊來再圖生計所以怠緩失守者多致
內為外應防之不可不密也輕係者宜放即放重辟者宜除
即除仍宜嚴諭獄官不得尅減獄食不得受賄縱死囚自便
不得私放親識出入晝則查點夜則巡邏仍時委心腹伺察
非常亦煩防之一端也

流賊攻廬州

明流賊屢攻廬州志在必取太守吳君粦以輯內應為主自
帥家丁沿門搜索果獲奸民為賊應者當時斬首擲城外賊
以謀泄遂退一日復來攻吳君竊計民間奸細已盡近見送

獄食者視平時有加事屬可疑隨案各犯果得重辟某者原係銜姦潛通外寇為內應于是梟首示賊賊謀詈解去自此絕意廬州

防庫

庫者聚財之所有警之日垂涎者多宜統重兵彈壓默消奸謀

防七乘

賊之攻城也有七乘乘我之倦如日夜勞苦神疲力竭之類乘我之怠如日久心安官不戒訓民不恐惡之類乘我之忽

如風雨雪夜地遠人稀思想不到之類乘我之無備如兵司
不利矢石不足火砲缺乏之類乘我之疎如城有單薄地有
平陂外有攻冲之資內有不備不具之類乘我之緩如往日
避心急意一時招架不及手忙脚亂之類此七乘者城之安
危所係不可不慎也

游辭百金方卷十終